

تبریک ایله سلاملا یوب اونلر علیهنه قالمش ، قره قوت حامیلرینه نفرتمزی بیان
ایتمکدن کندیتزی طوتامادق .

رحیم شرف . — رابعه مرینه . — مریم سعیدیه . — زلیخا آیانا یوا . —
نقیبه یونوشورا . — عائش آیانا یوا . — ام کلثوم لازاکوا . — فاطمه الزهرا
آیانا یوا . — ام کلثوم محاشورا . — رابعه لازاکوا . — زینب آیانا یوا . —
ضریحه مؤمینیه . — مریم آغیشورا . — ماه سرور بهراءالدینورا . — زینب حسنییه . —
فخر الجمال عزة اللیسا . — فاضله شرف .

بو مکتوبک قوتی آرتدیراجق بر سوز بولامادیقمز ایچون علاوه مطالعاته لزوم
کورمیورز .



تورکک شونى

تورک قادینلرینک فعالیت و فداکاری . — وطنک اوغرا دینی بویوک فلاکتلر
اوکنده تورک قادینلری بالطبع لایقید قالمادى . رقیق و وطنپرور قلبلرینک امرینه اطاعتله
ارککلریمزه نمونه امتثال اوله جق تظاهرات حیثکارانه ده بولندیلر : ۱۶ و ۲۳ کانون ثانى
کونلری تورک قادینلری تاریخنده ، اونودولیه جق کونلر دندر . « مدافعه ملیه قادینلر هیأتی »
طرفندن ایدیلن دعوت اوزرینه ، درت بش بیک خاتم ، عثمانلی دارالفنون بویوک سالوننده
طویلانه رق ، یورکلرندن ، وجدانلرندن طاشان آجیلری مسلمان و تورک ارککلرینه
و اوروپانک بویوک قادینلرینه باغردیلر ؛ سوکرده مالیه جه سیقنتیده اولان آنا وطنلرینه
نهلری وارسه هیسنى ، جزدانلرنده کی یاره لری ، قولاقلرنده کی کسپه لری ،
پارمقلرنده کی یوزوکلری . بیلکلرنده کی بیله زکلری ، حق کوزاکلری ، حق صیرتلرنده کی
کورکلری چیقاروب ویردیلر ؛ یاره صارمق ، خسته باقق اوزره زمان سعادت مخدرات
اسلامیه سی کی حربیه کیشمه یه مهیا اولدقلرینی بیلدیرنلرده چوق اولدی . . هر ایکی
اجتماعده وسطی صنف قادینلری اکثریتی تشکیل ایدیوردی . سوز سوبله ییلر ، عثمانلی
خانلرینک فضائل و عرفانیله تمیز ایتمش سبالریدی : فاطمه علییه ، نکار ، خالده ادیب ،
فهیمه نزهت ، نزهه مخلص ، نقیه حوریه ، احسان رائف و شمال تورکلرندن ام کلثوم
خاتم افندیلر . همشیره لرینی آغلاده جق ، باییلته جق ، فقط عینی زمانده اونلره استقبال
ایچون بیتمز توکنمز برامید و انسال مستقبله یی حاضر لاهلری ایچون ده اصلا اکیسلیمز

برعزم ویره جک سحرلی شعرلر ، لطفالر ، خطابه‌لر ایراد ایتدیلر . برنجی اجتماعه صوک حربک اک غیور قوماندانلرندن محمود بخار باشانک زوجه محترمه‌لری برلئس نعمت خاتم افندی ، ایکنجی اجتماعه عثمانلی مجلس مبعوثاناک ایلک رئیس احمد رضا بکک همشیره‌سی محترم سلما خاتم افندی ریاست ایتدیلر . ایکنجی اجتماع خاندان آل عثماندن دولتو عصمتلو ناطقه سلطان حضرتلرینک تحت حمایه‌لرنده بولمقلهده مباح اولمشدور .

« تورک یوردی » ، معزز همشیره‌لریمنک شو فعالیت پیغمبر پسندانلری تبریک ایلله مفتخر دور . بوندن بویله قادینلریمن ، حیات اجتماعیه‌میزده انشاه دهامهم بر ملوته‌رق ، اجتماعاً و سیاستاً خلاصه‌سی تأمین ایدرلر .

با کورده باشلی خانملره مخصوص درس لر . — با کورده منتشره اقبال رفیقمنک استخبارینه کوره . با کورده برنجی مسلمان قیز مکتبنک مدیره‌سی ملک بک زاده خدیفه خاتم افندی ، یاشلری کچکین خانلرکده نعمت معارفدن محروم قالمه سیچون کچه درس‌لری آچمشدور . درس‌لرده تورکجه و روسجه‌دن ماعدا بر آرز مقدمات فنون‌ده اوکر دیله جکدر .

قزاق‌لرده تورک قیز لیس‌سی . — بوسنه ، رومانوف خانداننک روسیه تحت سلطنتنه قومودینک ۳۰۰ نجی سنه دوریه‌سیدر . بومناسبتله شباطک نهایتلرینه طوغری روسیه‌ده بویوک شلککلر ، بایراملر اوله‌جق . روسیه‌ده ساکن تورکلرده ، چارک صادق تبعه‌سی صفتیله بوشلکلره اشتراک ایده جکلر . قزان مسلمان - تورکلری بوسنه دوریه خاطره‌سی اولق اوزره ، بر قیز لیس‌سی آجه‌یه قرار ویرمشلردور . سنه‌نک مبارک‌لکی حرمتنه روسیه حکومتک مساعدده ایده جککی امیدایلدیورلر ، امیدلرینک بوشه چیقمامه‌سی تکریدن دیلهرز .

شمال تورکلرینک رئیس روحانیلری ، اورنبورغ مفتیسی حضرتلرینک سنه دوریه مأموریتی مناسبتیله‌ده بوندن ایکی سنه قدر اول اوفا شهرنده بردارالعملات تأسیسی تقرر ایتمصدی ، فقط هر نه‌دنه . مذکور قرار بوکونه دکین قومدن فعله چیقمه‌مشدور . قزان قیزلیسه‌سی ایشینک اوفا دارالعلماتی مسأله‌سی کی سورونجمه‌ده قالمیه جفته ایتاق ایتیه یوز .

اورنبورغ‌ده قیز صنایع مکتبی . — اورنبورغ مسلمهلر جمعیتی بر غیر صنایع مکتبی آجه‌یه قرار ویرمشدور . زنکین خانلر مکتب ایچون نقدی اعانه‌ی انهد ایتدکلری کی ، بعض خانلر دیکیش ماکنه‌سی وسائرله کی لوازی تدارک ایدوب ویره جکلردور . جمعیت اعضالری . مکتب طلبه‌سی طرفندن یاپیله‌بیله جک بالجلله ایشلری آنجق اوللره سپارش ایده جکلردور . بو خبری یازان « سبریا » رفیقمن « باشقه شهرلرده کی مسلمان قادینلرینه عبرت ! » دییور ، بزده بو اخطاره تماماً اشتراک ایدرز .